



Na temelju člana 67. Zakona o budžetima Federacije BiH („Službene novine Federacije BiH“, br. 102/13, 9/14-ispr., 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), članova 8., 9., 18. i 19. Zakona o dugu, zaduženju i garancijama u Federaciji Bosne i Hercegovine („Službene novine Federacije BiH“, broj 45/25), člana 19. Statuta Općine Novo Sarajevo („Službene novine Kantona Sarajevo“, br. 5/20-prečišćeni tekst i 20/20-ispravka) i člana 31. Odluke o izvršavanju Budžeta Općine Novo Sarajevo za 2026. godinu („Službene novine Kantona Sarajevo“, broj 1/26), Općinsko vijeće na prijedlog Općinske načelnice na 5. hitnoj sjednici održanoj dana 05.02.2026. godine, donijelo je

ODLUKU

o odobravanju dugoročnog kreditnog zaduženja Općine Novo Sarajevo

Član 1.

(Predmet i uslovi kreditnog zaduženja)

Općina Novo Sarajevo će se zadužiti kod Razvojne Banke Federacije Bosne i Hercegovine u cilju sufinansiranja kapitalne investicije, odnosno realizacije projekta izgradnje i opremanja objekta Javne ustanove Osnovna Škola „Pofalići“ Sarajevo, u iznosu od 10.000.000,00 KM u formi novčanog kredita, pri čemu godišnji iznos servisiranja duga ne može preći 20% prosječnih redovnih prihoda Općine ostvarenih u posljednje tri fiskalne godine, u skladu sa članom 76. Zakona o dugu, zaduženju i garancijama u Federaciji Bosne i Hercegovine („Službene novine Federacije BiH“, broj 45/25).

Općina se zadužuje putem dugoročnog kreditnog zaduženja pod sljedećim uslovima:

- Iznos kredita: 10.000.000,00 KM
- Rok otplate: 144 mjeseca
- Grejs period: 12 mjeseci, uključen u period otplate
- Kamatna stopa: fiksna, 2,90% na godišnjem nivou
- Troškovi obrade kredita: 0,50% od iznosa kredita
- Otplata kredita: mjesečna

Član 2.

(Svrha i planiranje sredstava)

Svrha kreditnog zaduženja je zajednička realizacija kapitalnog projekta izgradnje i opremanja objekta Javne ustanove Osnovna Škola „Pofalići“ Sarajevo, sa Ministarstvom za odgoj i obrazovanje Kantona Sarajevo i Zavodom za izgradnju Kantona Sarajevo, na osnovu Sporazuma broj 09-11-4-8606/25 od 26.12.2025. godine, te će sredstva potrebna za otplatu kredita biti planirana u budžetu Općine Novo Sarajevo u svim godinama trajanja otplate.

Član 3.

(Prioritet obaveza i instrumenti osiguranja)

Općina Novo Sarajevo se obavezuje da će obaveze po ovom kreditnom zaduženju biti rangirane kao prioritetne u odnosu na sve ostale obaveze iz Budžeta Općine Novo Sarajevo u narednim godinama, u skladu sa članom 67. stav (3) Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14-ispr., 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25).

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

Kao instrumente osiguranja naplate kredita Općina Novo Sarajevo koristi mjenice, a ovlašćuje se Općinska načelnica da u skladu s ovom Odlukom izda i potpiše bjanko ovjerene mjenice sa pripadajućim mjeničnim izjavama.

Član 4.

(Ovlaštenje za potpisivanje ugovora i dokumenata)

Ovlašćuje se Općinska načelnica da nakon provedene cjelokupne procedure, potpiše ugovor o kreditnom zaduženju sa Razvojnomo bankom Federacije Bosne i Hercegovine, kao i ostala potrebna dokumenta vezana za realizaciju predmetnog zaduženja.

Član 5.

(Realizacija Odluke)

Za realizaciju ove Odluke zadužuje se Općinska načelnica i Služba za privredu, budžet i finansije.

Član 6.

(Stupanje na snagu)

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj: 02OV-01-1-1212/26

Sarajevo, 05.02.2026. godine

PREDSJEDAVAJUĆI
Općinskog vijeća Novo Sarajevo
Mr. sci. Edison Pavlović